

經部

詳校官監察御史臣王爾烈

給事中日温常殺覆勘 校對官中書 臣王鍾泰 總校官進士臣終 謄録監生 臣畢所講


珙



久こりらしてすし 欽定四庫全書 恭泉鄉禮 提妥 古数相辨難守仁亦稱其直該然不以聚徒講 著録其學恪守程未當與王守仁論知行合一之 臣等謹按泰泉鄉禮七卷明黃佐撰佐有樂典 學愈事乞休家居時所著凡六卷首舉鄉禮 學名故偷然於門户外馬是書乃其以廣西提 恭泉鄉禮 經部四 禮類六雜禮書之屬

グラとして 明 社保甲皆深寓端本厚俗之意末以士相見 綱 神 之書視所補註之皇極經世支離曼衍敞精 禮 倍民於古者次舉五事曰鄉約鄉校社倉鄉 四禮皆略為係教第取其今世可行而又不 切要可見施行在明人著述中猶為有用 領以立教明倫敬身為主次則冠婚以下 及投壺鄉社禮别為一卷附之大抵皆簡 於無用之地者有空言實事之分矣氧 提要

7. 10 7. 12. 1 M						四十二年十月恭校上
气 泉柳 實	 			總	急	月恭校
	İ			總校官	總篡官臣紀的臣陸錫熊臣孫士毅	上
					紀的臣	
=	Ì		l	頁	座錫能	
				陸費墀	松县	
1				賀	子松	.]
		L	 	一十	37	



官詹學士泰泉黄公咨嗟薄俗嘅然逖慕於古之遺治 孟子曰乃若其情則可以為善矣斯非其明徵哉吾廣 之學以縣之仁以聚之樂以安之故治隆而俗不處也 泰泉鄉禮原序 問有與禮讓修教化於郡縣之中民亦翕然丕變其俗 周秦之際其宇宙之大限乎德色辞語賈生有遗戚矣 治者乎故曰人情者聖王之田也故禮以耕之義以種 **つ.)** 夫道有隆汙俗由升降故俗者其効情者乎情者其効 11、二郎豊

金戶四庫全書 岩鄧君見而嘆曰選哉與化善治之道其必由此數 主鄉 昔在家食輯為鄉禮 司以表正而董治之斯所謂待人而行者乎香山令文 情而治之使鄉之人習而行馬善俗其有幾乎此公之 袓 情比於禮而鄉治矣俗成於鄉而天下治矣不即 志也是故約正以綱之教讀以紀之士大夫以帥之 **聫保甲則重祀與戎身心既淑禮樂備舉凡以約** 約以勵規勸而謹鄉校設社倉則豫教與養秩 一書要在於敬身明倫講信修睦 原原 有 其 里

之風使其富而可教從之也輕則有引孟之矩在君必 令人豈不相及哉君必勉之乃若普惠養之政息無并 传然實幸其相與以有成且將以風乎治政者也夫古 而公諸天下也謂何子劉益申識之劉鄙人也何敢為 鄉也公實師之子小子匪表正之能敢不電勉以承公 不令胡從我其責哉則造於公而請馬曰之邑也公之 Clark Dient Live 能與天下之英熟圖之矣書曰邇可遠在兹其斯編之 **矧曰嗣必有與者乎既乃序其書而梓之益廣德心** 泰泉鄉禮

詹事泰泉公先提督廣西學政府著鄉禮凡六卷兹又 謂與嘉靖已酉夏四月既望順德何烈撰 金罗巴匠人一 蓋刻於廣之藩司頌諸郡邑行矣彼都人士講明誦說 士民錯居阻險思奢儉之中屋耕織之務能知其而為 以士相見禮及投壺鄉射諸為附之合七卷云先是書 已蓋自昔為然若乃親親尊尊之制凡問族黨之交律 周邑井外接島夷四顧汪洋迎千里而孤縣海表馬其 見諸行事夫固有所感發與起以蹈道遷義哉香山內

THE RESIDENCE OF THE PARTY OF T

言王者文命而敷無遠不届也在昔文王之德其下 素行政修民和之所致哉書曰光天之下至于海隅山 俗風俗淳厚風雨時節災害不生凡民知所自愛重犯 水土之風氣故謂之風動静取舍唯上所好惡故謂之 愧之節仁義之厚使人人回心向道日遷善遠罪而不 己教人之法周旋升降之文鐘鼓管絃之聲凡以反庶 法亡盜賊就地險遠和氣之應賢於內郡斯所謂禮教 " AND LOT MY HAVED! 知顧在此而不在彼也夫民剛柔輕重遲速異齊緊

泰泉鄉禮

之於二南斯豈非周名之治哉令公以鄉禮名書行 |達之天下而上致其君興太平成雅俗書曰始于家 之周南召南之詩作馬故論風俗茂美于周為盛聖天 金人也是人 終于四海斯大臣輔相之事公以為何如遷不依敬 政俗雅容之會亦維風可觀矣夫以文王之德詩人繁 子端拱移清化行海外則斯邑諸人士其於禮樂教 於天下其次第則自斯始嘉靖已酉春二月之吉知香 是書重到于香山之邑齊夫香山公桑梓在馬公用之

THE REPORT OF THE PARTY OF THE

Disposit of	and the same				
大きつのでんじり					山縣事閩鄧遷叙
					逐叙
泰泉鄉禮				·	
		1			
<u>19</u>					

7 1.1. ~果那遭 W. Harrison が郷ス 獨戒具衣冠相率以正 誓 明 口立教二 中明四禮而办 黄佐 撰 一曰明

金庆四年全書 立教以家達鄉其目三 城隍在鄉則里社可也 熱在父母長者之側不得去中機縛緣衣服惟謹 在朴厚醇謹事事循規蹈矩必先孝弟內事父母 外事師長侍立終日不命之坐不敢坐平居雖其 鄉校或延師家塾教以正容體齊顏色順雜今務 行步出入母得入茶酒店肆市并里巷之語鄭衛 曰小學之教 凡小兒八歲以上出就外傳從學

人二日野 公子丁 一曰大學之教 凡子弟十有五歲以上者入庠序 或有納於邪者罰其父兄 肆業教以言行相顧収其放心以學顏子之所學 言温而氣和於怒時遽忘其怒而觀理之是非則 怒漸可以至於不遷過而能悔又不憚改則過漸 可以至於不貳雖質魯木通文字者亦以是教之 之音毋經於耳不正之書非禮之色毋經於目其 日漸脱去凡近以遊高明近世淺薄以聽浪笑 泰泉鄉禮

等始以要名然不足齒縱能售其好以得志竟成 理未及躬行銷罵程未自立門户者為道學茲四 傲漫無主角而相數仰者為好人以輕後獨躁許 能文章凌忽尊長眼空古今者為大才以縱談名 何等人物吾常所宜切戒其有子弟庸鄙私級家 酒豪放妄自高大者為豪傑以讀書數千卷髙才 一扶勢為虐取利肥家者果共罰之事發到官母

Calow Latin 二日鄉里之教 持小心以奉官法勤謹以解糧役母學賭博母好 為妻母以下犯上母以強凌弱母以富欺負母以 父師長者為少師與問里之人相約而告諭之曰 凡我鄉人父慈子孝兄友弟恭夫和婦順母以宴 争訟毋藏好惡毋幸人災毋揚人短毋責人不備 相規戒患難相恤婚喪相助出入相友疾病相扶 小念而害大義母以新怨而傷舊恩善相動勉惡 凡士大夫居鄉宜依古禮尊者為 泰泉鄉禮

金ジャル 明倫以親及疎其目五 事從儉朴毋齊靡以敗俗母論財而失婚期母居 宜遵守其有阻撓不行者許教讀呈官問究 事而忍心火化仍各用心修立社學教子弟以孝 弟忠信之行使毋流於惡所有鄉約四禮條件各 喪而設酒肉母溺風水而久停枢母信妖巫作 於事親又推事親之心以厚於追遠家必有廟廟 口崇孝敬 1: 1:1 凡居家務盡孝養必簿於自奉而厚 佛

これの日から、人」とは 一日存忠愛 凡士大夫居鄉雖致仕公明吉月朝 室者依家禮以石為上其有嗣續不明陰育異姓 春祭先祖李秋祭禰忌日遷主祭作正寝或随俗 必有主月朔必薦新時祭用仲月冬至祭始祖立 服而朝之義正旦冬至等節相幸盛服向北行慶 者架共罰之 生者廟主之制同堂異室則左昭右移同堂不異 **於春秋仲月望日魚祭祖禰事死之禮必厚於事** 恭泉鄉禮

金タールへき 三曰廣親睦 曾祖庶也宗高祖宗已高祖庶也則遷而惟宗大 宗禰宗已父庶也宗祖宗已祖庶也宗曾祖宗已 其大夫者公罰 賀禮如儀其有議朝廷利害得失及居是邦而非 宗大宗絕則族人以支子後之凡祭主於宗子其 之庶子皆為小宗小宗有四五世則遷已身庶也 四別子為祖以嫡承嫡百代不絕是曰大宗大宗 凡劉家者必立宗法大宗一統小宗

アンマンヨーラーとます 四日正内則 之家宗子死族中雖無服者亦齊衰三月祭果而 餘庶子雖貴且當皆不敢祭惟以上姓祭於宗子 降一等異居者必同財有餘則歸之宗不足則資 合族以食春而齊哀者一年四會食大功以下世 争訟者與共罰之若肯同居共聚者跟相褒勸 之宗族大事繁則立司貨司書各一人宗子愚幼 則立家相以攝之各修族語以敦親睦或有骨肉 凡禮必謹夫婦男女必有別妻妾必 奉泉鄉禮

金りしたべき 战身以中制外其目四 五曰寫交誼 難相恤詳見鄉約 得踰閩雖奴好亦必動遵禮度其有貞節婦女果 有序宫室必辨外内男子母得晝寝於內婦女母 共歌揚以為閨門之動以聞于有司 曰篤敬以操行 本寡嗜欲薄滋味正其衣冠攝其威儀以為民望 凡德業相勸過失相規禮俗相交患 凡讀書講學公以治心養性為

大足の軍を動 三曰節儉以利用 一曰忠信以慎言 凡出言必主忠信毋得夸訴相 聴琴賦詩之外聲伎演戲博奕奇玩之類及世利 備 約共行四禮條件有始從終背陰為陽掩與凡不 紛華一切屏絕其有非解傲情者果共罰之 能踐言者聚共罰之 外所有若干以十分均之留三分為水旱不測之 分為祭祀之用六分分作十二月之用若関 泰泉鄉禮 凡一年之用置薄開算糧役之

修及幹事奴僕等費皆取諸其問可餘而不可盡 置薄収管以為冬夏求為修葺牆屋醫樂喪葬及 則分作十三月之用取 用至七分為得中不及五分為太嗇其所餘者別 日侵過無時可補便有窘匱之漸宜一味節告免 分日用其一 至于求親舊出息通借以招恥唇若速客置酒當 喪問疾時節饋送母得奢侈侵過次日之月 凡茶飯魚肉賓客酒漿子孫紙筆束 月合用之數約為三十

四日寧静以安身 宜視待客為殺 陽臘日立為六會相與燕遊山水以宣樂意果般 然與造物游故聖人主靜君子慎動不得已乃可 有過用多品者眾共罰之元夕上已端午中秋重 品割載二品器用熟漆雞親戚上客一以為準其 知會數而禮動物薄而情厚之義酒或七行或十 行量洪者不過十二行而止果五品報五品美三 凡居鄉閉户端坐自覺胸次悠

一人三四号厂全世司 图

泰泉柳禮

金りし 既正本原乃行四禮以人户田産厚薄別為三等田十 頃以上者為上户五項至九項者為中户一項至四項 議達者果共罰之 自重若與有司往來自有常禮母得私謁自取議 右三件本朱子小學多以陸氏家制吕氏宗法 以行罰 出語所謂非公事未當至於偃之室古人 而損益之違者宜各相糾不悛書於鄉約過築 たこ

者通為 者為下户商賈之家較其所積多寫准是為差無財 里排會同在學生員奉斜之有司懲之 在約正約副約正約副有過責在教讀容情不舉者許 こうう 四禮俱依文公家 以為宗族鄉里表率又於各鄉推擇約正約副以主之 ·月朔望鄉校教讀講明以示鄉約之聚聚有違犯責 曰冠凡四條 一等随具厚薄定為品節俾各遵守必先躬行 奉泉下電

金方にた 海以成人之道 聖賢及先世之諱 凡月朔各鄉教讀以子弟之始治者見有司有司 凡子弟未冠者不得以字行冠而字之母得犯古 校以教讀為質衣服之美惡酒食餐質之豐儉以 凡冠禮士大夫延有德之質行於家鄉人行於鄉 凡謝實東帛不必如古人之數上户絹一疋中白 上中下户為差等下户不可越中中不可越上

7... 一口昏凡十五條 成昏者謂之先時男子二十五以上女子二十以 布一疋下户帕一方 上未成昏者謂之過|時无時者天過時者病皆不 凡昏禮古有問名納采納吉納徵請期親迎六節 能順陰陽交際以保合太和鄉約正及鄉校師宜 凡男女婚嫁以時男子未及十六女子未及十四 今隨俗省畧惟行納采納徵請期親迎 奉見下禮 <u>/L</u>

兩 中尤為簡便可以通 時加省諭 五兩近日納采納徵者止用細茶一 凡納采用酒性疾榔果品隨俗上戶通計所貨銀 不過十五两中户所實不過十两下戶所費不過 不過三两中户所費不過二两下戶所費不過 納徵用銀幣酒性其柳隨俗上戶通計所費銀 行其送禮之人非隔水路者 盒納釵物其

金灰四年全書

人三日日八十一 等項者罪之 用 而用裝絲大船銅鼓儀仗陸路用蒲燈花筒爆仗 凡親迎不許用鼓吹雜劇送迎交鳃其有隔水路 俗疊用三緘於親迎之日貯之銀筒以往都俚之 凡納采納徵請期具書如女氏女氏復書禮也鄉 凡請期不分上中下戶惟遣使通書而已禮物不 母得多與銅錢下 秦泉鄉禮 程惟待以酒飯 +

金りし 甚今悉依家禮改正 革若肾以次日見女之父母設燕者聽或壻所居 親戚唱鄉歌謂之歌堂今亦革去惟母醮女如禮 凡親迎都俗先一夕燕其子子心據尊席亞智 凡壻至真為畢主人酌之酒而勞之幣此俗已久 孤子惟告於廟受命於母其女家先一夕燕女聚 之漸老宴所宜痛革今後止依又熊子之禮命之 去女家有三五日路程者許隨俗候女轎出門

費不過十两資裝器物之費半之其借用珠冠命 服金銀器四者有罪上户女徒者一人男僮一人 凡女服首節衣裙隨俗但不許用違禁之物上户 見女之父母女之父母惟致幣於壻不必該家 中户以下女從一人無者勿强 户所費不過二十兩資裝器物之費半之下戶所 通計所費銀不過三十两資裝器物之貨半之中 凡婦見舅姑用幣餘皆不用明義分也鄉俗見諸 泰米鄉禮 <u>+</u>

親有吊婦不見外姓別男女也鄉俗例見異姓諸 親及鄉黨無所分別今悉正之惟見同姓尊長親 匱 不過 <u> 類點心上户四品每品不過二盒中户四品每品</u> 迎後三日七日及過俗節女氏使人於将家用米 凡昏禮不得用樂賀昏 たと言 斤凡此所以樽節財用勿為無益之費自取窘 盒下戶惟用茶果亦不過四品每品不過 非禮宜更質為的禮物隨

次下日事人子言題 得饒舌欺狂但求成事以貼他日之悔事發罪媒 宜 好謝媒妁之禮上戶銀不過一兩中戶五錢下戶 凡媒妁為人議婚須通達二家之情待其許諾母 正約副率問里科少錢以助之勿今失時 凡三等人户之下聘用酒一埕鶴二隻各布二 錢其有溺陰陽年月不肯成昏及論財者罪其 盒婦荆銀布裙見舅姑而已貧不能具者約 泰泉鄉禮

二旦喪凡九條 至不許用幣不許設酒食惟自遠至者為具素食 懲治如律近間有等村民自殺其女以免費蠢師 此風漸不可長教讀及約正約副宜早諭之 凡生女多懼貧難嫁自行淹弱訪出将父母送官 父母 不用酒孝子不許易凶為吉赴他人酒席鄉俗有 凡居喪要以衣戚寒事為主不許匿喪成昏吊賓

ころしので、人から 有罪 大祥後禪而後飲體酒食乾肉有能盡禮者眾共 等物達者罪之 旬七會飲及葵有山頭等酒會皆深為害義犯者 凡停極踰年不粪及溺於風水兄弟相推託了 聚實以洗旌野 凡居喪始惟食粥蔬素不得飲酒食肉寝處於內 凡喪事不得用樂及送殯用鼓吹雜劇紙幡紙鬼 泰泉鄉禮 <u>+</u>

金タロたノニ 者罪之 者約正約副率問里科少錢以助之毋令暴露 用猪 凡葬依家禮用灰隅不必用樓棺內母得用金銀 凡三等人户之下葵用薄棺不許焚屍貧不能葬 凡致真上户用猪羊各一所費銀不過三兩中 者各行戒諭違者罪之 两不能具者惟吳雞絮酒盡哀亦可替用牛馬 所野銀不過二兩下戶用五姓所費不過

ころのでという 四日祭凡四條 錢帛 時之祭惟於忌日沒祭前期不齊臨祭無儀祭罪 乗時强占他人墳地送官懲治 凡火化者忍心害理宜送官嚴懲子孫依律死罪 凡蘇埋宜依族瘞之禮左昭右穆不得淆亂其有 工人各行重治 凡祭禮所以報本追遠不可不重近世多不行四 秦泉『禮 上四

金ケゼルノニー 服禮視祖禰建事者為殺 凡時祭屬古禮上戶有祭田者祭畢歸除於 酒食肉居宿於外魯祖以上不速事者服淺淡 凡上户准古禮庶士得祭門户井竈中 及約正約副 凡祖禰建事者尽日有終身之喪是日素服不飲 祠中户以下就正寝設韜檀奉祀歲時朔望如禮 請客飲酒皆非禮也今宜悉依未子家禮上户立

既行四禮有司乃酌五事以綜各鄉之政化教養及祀 くこうう 與我而遥制之一曰鄉約以司鄉之政事二曰鄉校以 是為五祀有疾病惟禱於祠堂及五祀或里社中 户下户惟祷於祠堂里社不許設熙禳星聽信巫 覡達者罪之 遵洪武禮制不在此例 右四禮條件多遵白沙陳氏與學都丁氏所宗 參以義門鄭氏家範而損益之其有官爵者宜 秦泉鄉禮 五

為鄉校教讀有司聘之月朔教讀申明鄉約於鄉校達 保甲鄉校之後立為社倉其左為鄉社各擇有學行者 信為眾所服者為之有司不與 鄉之祀事五日保甲以司鄉之戎事鄉約之衆即編為 司鄉之教事三日社倉以司鄉之養事四日鄉社以司 約者罰於社入髮於倉約正約副則鄉人自推聰明該 點查稽考以致紛擾約正約副姓名亦勿遠聞於有 凡行鄉約立社倉祭鄉社編保甲有司俱母得差人

マノこノョラ たまう 請使約正約副報聞亦如之 續乃舉其尤最者往在城四門社學隨地方報姓名以 聞於有司有司髮實乃延見賜坐啜茶而在賞之免其 各鄉教讀待約正約副率鄉人行四禮舉五事各有成 亦以姓名聞於有司有司嚴懲治之如有變終各鄉教 雜泛差役其有好為異論鼓眾非毀禮義不率教之人 司益在官則易為吏胥所持 凡在城四隅社學視各鄉校為重宜延聘致仕教 泰泉鄉禮

金にヒんノニを 有司與同僚各以四事自勉而為民去其十害 官及監生生員學行尤著者以為教讀每隅各一 近寧都丁氏令新會亦置四鄉鄉老以統眾鄉都老 南路入者南隅教讀掌之西隅北隅亦然有司欲見 人各鄉自東路入者藏否警變東隅教讀掌之自 皆此法也 則師之入見古人咨四岳關四門以明目達聽意亦 如此朱子保伍法於縣郭置隅官四人以制諸鄉

ころの日 たかず 四事 美莫能自贖故以此為四事之首 心與父母保亦子之心有一毫之慘刻非仁也有 三日存心以公 毫之忿疾亦非仁也 日撫民以仁 凡為政者當體天地生萬物之 點貪污便為大惡不產之更如蒙不潔雖有他 日律已以底 泰泉鄉禮 凡為政者萬分旗潔止是小善 凡為政者不聞諸葛公之言平 ţ

一全はヘゼエルノニュー 十害 吾心如秤不能為人作輕重傳曰公生明私意 萌則是非易位欲事之當理不可得也 其弊者古之聖賢循且日景不食坐以待旦况其 所以受害也不可不戒 餘乎今之世有勤於吏事者反以都俗目之而詩 四日沿事以勤 酒遊宴則謂之風流燗雅此政之所以多與民之 凡當官者一日不動下以有受

冤抑無處伸訴以得忍遏遂以為無訟此无當戒 反虚虚者反實矣其可為哉未子曰今世官府惟 只不理會庶幾民自不來以此為止訟之道民有 三口淹廷囚緊 以苟且逐旋挨去為事挨得過時且過由直在前 二曰聽訟不審 訟有虚有實聽之不審則實者 日斷獄不公 张者民之大命 豈可少有私由 一夫在囚舉室廢業因過之告

久三·口与一个三十三 题/ 泰泉鄉禮

グラクセル 度日如歲其可淹久乎 貧者不免舉債甚至破家其可泛濫子動輕以 逞忽行私之具我不可不成 喜怒用刑甚者或以關節用刑刑以代天糾罪豈 五日泛濫提解 即已之體膚也何忍以慘酷加之今為吏者好以 四日慘酷用刑 人犯提解者宜省 刑者不獲已而用之人之體膚 夫被提舉家皇摄出官費用

又不可自己子司 一 座衛妻實子往往由之 亦有今日收記被其隱匿明日復追收者破家為 情於政者稅已輸而註不銷必再追重納而後已 有此實為非法 六曰招引告許 自當痛治何可勾引出告示名人告首陰私罪犯 七日重體惟科 日科罰取財 泰泉柳禮 稅出於田一歲一收豈宜再稅 民間自輸稅之外一 告計乃敗俗亂化之原有犯者 一毫不當妄 九

月朔教讀即約正約副之賢者以次往見有司有司賜 有所謂鋪行者每官司買物視民價奉減十之二 猶經虎出神也皂練防夫快手尤當禁敢 取今有司科罰多收紙價與大非法科級者皆民 三或不即選候久絕望甚至白取民何以堪 十日低價買物 九日縦吏下鄉 之深害也不可不革 物同則價同豈有公私之異今 鄉村小民畏更如虎綠更下鄉

害未屏皆許直言無隐言有可用者必加褒獎 坐啜茶問各鄉風俗及民疾若禮教行否四事未能十 いいのうこかから 自盡如此而四禮不行鄉約以下五事不舉 之以為官箴鄉士失夫既能倡之而有司又能 右件出西山真氏政經參以朱子政訓而附註 未之有也願相與弱馬 泰泉鄉禮 〒

泰泉鄉禮人	金タセルノニュ
	奏一

欽定四庫全書 相交四曰患難相恤 凡鄉之約四 プスンマー・ ノー・ 中月輪一 聚推一 秦泉鄉禮卷 正總理期會告諭約副賛相禮儀輔佐約正直月掌 郷約 人有齒德者為約正有學行者二人副之約 人為直月 曰德紫相勒 大泉下電 約正副不與直月之數 曰過失相規三曰禮俗 明 黄佐 撰 約

金月セントノンニ 徳業相動 置三籍凡願入約者書於一籍德業可觀者書於 走報幹辦 籍過失可規者書於一籍直月掌之月終則以告於一 約正而授於其次 德謂孝於父母友於兄弟肅於置門和於親屬言必 忠信行以為敬見善必行聞過必改之類 業謂讀書治田營家濟物與利除害居官舉職凡明 参二 して、コラー、子ョー 過失相規 過失謂犯義之過六犯約之過四不修之過五 此之類皆為無益 倫敬身者皆是如禮樂射御書數之類皆可為之非 口酗博關公 犯義之過 之日相舉其能者書於籍以警勵其不能者 右件德業同約之人各自進修互相勸勉會集 的謂疑酒喧競博問賭博財物關 泰果鄉禮

四日言不忠信 為人謀事陷人於惡或與人要約 二日行不恭遜 侮慢盛德者持人長短者恃強凌 口行止喻違 得已不已者若事干負累及為人侵損而訴之者 謂鬪殿罵詈訟謂告人罪惡意在害人 退即肯之或安說事端熒惑架聽者 人者知過不改聞諫愈甚者 瑜禮違法聚惡皆是 , 誣賴争訴

人て、四ラヤンチョ 一関人 六曰營私太甚 與人交易傷於培克者專務進取 五曰造言誣毀 是背非或作喇叭匿名文書及發揚人之隱無狀 有所欺者 可求及善談人之指過者 曰德業不相勸二曰過失不相規三曰禮俗不相 不恤餘事者無故而好干求假貸者受人寄托而 犯約之過 誣人過惡以無為有以小為大面 泰泉鄉禮

金りてんとこ 日遊戲怠惰 交四曰思難不相恤 若不得已而暫往還者非 賭財物而銷牌演戲其棋雙陸玩美骨董雅好 適者越笑無度及意在侵侮或耻馬擊鞠與雖 日交非其人 行銀所不齒者而已朝夕與之遊處則為非其, 不修之過 遊謂無故出入及謁見人上務開 所交不限士庶但凶惡及避情無

万里四号下二十寸 一 五曰用度不節 四曰臨事不恪 三日動作無儀 謂進退太疏野及不恭者不當言 能安貧而非道營求者 者不衣冠而入街市者 事業及家事不治門庭不潔者 而言及當言而不言者衣冠太華節及全不完整 唱廣收花石攤養禽鳥作諸無益者怠惰謂不修 謂不計家之有無過為侈費者不 主事廢亡期會後時隔事怠惰者 泰京鄉禮

禮俗相交 生ニノモ 禮俗之交一曰尊幼輩行二曰造請拜揖三日請 送迎四日慶吊贈遺 改者皆聽其出約 於籍以俟三犯則行罰其爭辯不服與終不能 告於約正約正以義理論諭之謝過請改則書 密規之大則架成之不聽則會集之日直月以 右件過失同約之人各自省祭互相規戒小 則

ころ、ソフラーハ・チョー 丘口幼者 四日少者 三口敵者 謂年上下不满十歲者長者謂稍長少 曰長者 者謂稍少 日尊者 謂長於已三十歲以上在父行者 尊幼輩行 造請拜揖凡三係 謂少於己二十歲以下者 謂長於己十歲以上在九行者 謂少於己十歲以下者 泰泉鄉禮

金グレルノニュ 靡見賀謝皆為禮見 皆具名帖用白紙招幅楷書 拜貨隨宜服色有官則冠帶諸生則儒巾欄衫餘 曰凡少者幼者於尊者長者歲首冬至四孟月朔 則辭出入不及一月者否質謝謂已有賀事當謝 拜或作學生契分子或妈成則作吞眷或作拜謝 少者口侍生姓名再拜幼者口晚侍生姓名頓首 人角中青直領解見謂久出而歸則見遠適將行 有處事如壽旦生子性官受封起第之類則往

久已日子、在西丁一里 尊者受謁不報 歲首冬至具名令子弟報之如其 深衣京移皆可尊長今免即去之 此外候問起居質疑白事及赴請召皆為燕見 長者歲首冬至具名帖報之如其服餘今子弟以已 名帖代行儿敵者歲首冬至離見俱謝相往還 那 賀之凡當行禮而有怎故皆先使人白之或遇 雨 雪則尊長先使人喻止來者 泰泉鄉禮 六 那

金ケトルノニュー 箋紙一小片書具上曰侍生姓名拜稍不敵則書友 生知生鄉生辱交之類服色同上 凡尊者長者無事而至少者幼者之家唯所服 日凡見尊者長者門外下馬侯於外次乃通名 者燕見亦然 名而敵者或用老拙老友之類或不通名可也敵 凡往見將入門必問主人食否有他客否有他幹 否度無所好乃命展刺有好則少俟或且退後皆

アノスンローハーナラー 陷容機進主人揖之升堂禮見再拜而後坐燕見不 主人使将命者先出迎客容趨入至顧問主人出降 他殊絕則少者幼者堅請納拜尊者許則立而受 坐則致謝記揖而坐若稍敵則相對行再拜禮儿 之長者許則跪而扶之拜記則稱而退主人命之 做此若年少居顯官而無轎者亦如之 而扶之少者拜則跪扶而答其半若尊者長者為 旅見則旅拜少者幼者自為一列幼者拜則跪 泰泉鄉禮

金シャトノニー 不許則從其命 若送至大門讓尊長先已必隨行 主人送至無下則三辭許則揮而退出大門乃上馬 者曰大人 字之幼者則名之若異爵尊長曰老大人敵者少 稱呼尊長日老先生敵者相謂曰先生於少者則 色或方幹事而有所俟者則告退可也後皆做此 凡相見主人語終不更端則告退或主人有像

一次、正四方でとから一関へ 退則就階上馬 少者以下則先遣人通名主人具衣冠以俟客入 退則主人請就門上馬 見則再拜 凡見敵者門外下馬使人通名俟於無 下馬則趨出迎揖升堂來 則止 稍少者先拜放見則特拜 客徒行則迎於大門之 处步揖之則止望其行 泰泉鄉禮 徒行則主人送於門 客止之

過既遠乃上馬若尊長令上馬則固群遇敵者皆 已徒行過所識乗轎者皆做此 過乃揖而行若已徒行而尊長乘馬則迴避之 馬則分道相揮而過彼徒行而不及避則下馬揖 若已無馬而尊長徒行望見則下馬前揖已避亦 乗馬於尊者則迴避之於長者則立馬道側揮之 則對否則立於道側以俟尊長已過乃揖而行或皆 三曰凡遇尊長於道皆徒行則趨進揖尊長與之 ての日かられたす 召敵者以書簡明日交使相謝名少者以書列客目 既許赴至日黎明復選子弟迎之既至明日親往拜 過或欲下則固靡之彼徒行不及避則下馬揖之 唇若身召他客則不可無召尊長如禮薄則不必書 若於幼者則不必下可也 過則上馬遇少者以下皆乗馬彼不及避則揖之 曰凡請尊長飲食親往投書 請召迎送凡四條 泰京鄉禮 **諮則拜之解則止**

金グレルノ 明日傅言致謝 推謝之明日具名帖謝之赴少者召始見以言謝之 睄 則別序若有他各有爵者則坐以爵不相妨者猶 往始見則拜其見召主人辭則止明日人親拜若 口凡聚會皆鄉人則坐以為非士類則否若有 日客親往謝主人赴尊長召若有眾客則約 預解則書簡謝之非身召不拜赴敵者召始見則 其爵雖鄉人亦不以齒 **基資調命**

THE PERSON NAMED IN COLUMN

ノスこりう ハチラ **賓坐如常儀如婚禮則姻家為上客皆不以齒爵為** 若持請召或迎勞出餞皆以專召者為上客餘為東 貴故也若主人之族有異爵屬此幼者亦勿與席 或别席以禮之 異爵以全尊尊之義 畢 而燕雖有三命不踰父兄古禮也非專召毋及 以上及京堂官皆是雖鄉人不敢與之序為以尊 命為於鄉再命齒於族三命而不齒惟祭 泰泉鄉禮

金好也一人人主! 親執注酌酒以注授執事者相揮再讓客西向主人 東向主人取杯親洗上答解主人洗畢置盃早子上 主人答拜 東何遂執杯以献上客上客受之復注酒以讓主人 上主人降席立於卓東西向上客亦降席立於卓西 三日凡燕集初坐別設卓子於两楹間置酒盃於其 主人後舉杯獻容客受之置卓子上再拜與取酒東 向跪祭與獨告飲於同席者遂飲以杯授精者遂拜 若少者以下為客則主人舉酒先祭飲

くこうう 酒杯一一 次獻眾賓眾賓各受杯以授情者各置於席前若主 置於席前若是少者以下皆揖而跪飲主人止之則 立飲飲遍乃就坐 上客酢主人如前儀主人乃獻架價命替者取浆質 是尊長則眾質固解洗及執注替者酌酒旅揖自 **此謂從俗** 畢而拜主人受之若上客先不拜而飲主人勿強! 1. t. 17 187/ 一親洗之界實合詞以群主人執注酌酒以 若果實中有齒爵特異者則特 泰尔鄉禮

金好にた在る 則就飲食之少者以下俟其既歸又至其家省之 里敵者不過三里各期會於一處拜揖如禮有飲食 若婚會姻家為上客則雖少亦答其拜 四曰凡有遠出遠歸者則送迎之少者幼者不過五 酌古今而行之如俗所謂三實杯諸類皆宜革去 獻如上客之儀不酢 日同約有吉事則慶之 慶時贈遺凡丘條 冠子生子預登第進官 一禮魚

マノアンコラー ハンナコ 一個人 家長有故或與所慶中者不相接則其次者當之 有凶事則吊之 喪異水火之類 每家只家長一人與同約者俱往其書問亦如之若 一曰凡慶禮如常儀有贈物 類眾議量力定數多不過二三十少至一二百如 情分厚薄不同則從其厚薄 盖但以物助其質客之費而已 之屬皆可質婚禮雖曰不賀然禮有曰質娶妻者 秦泉鄉禮 月幣兒酒食果實之

或其家力有不足則同約為之借助器用及為管幹 欄衫素帶皆以白生具酒果食物而往真之 且助其凡百經營之事主人既成服則相率素巾素 衣而往哭吊之 三口凡甲禮聞其初喪開同未易服則率同約者深 ピルノニモ 是敵者以上則拜而真以下則真而不拜主人不 敵者以下則不拜主人拜則答之少者以下則扶 之不識生者則不吊不識死者則不哭 凡甲尊者則為首者致解而旅拜 死者

てい コラー 可受 及卒哭及小祥及大祥皆常眼中之 四日凡喪家不可具酒食衣服以俟吊客吊客亦不 及葬又相率致贈俟發引則素服而送之 數如慶禮 主人不變不哭亦變而哭之頭張用錢帛衆議其 易服則亦不易服主人不哭則亦不哭情重則雖 禮或以酒食搞其役夫及為之幹事 然果即禮 **贈如膊**

金ケセノノき 退難相恤 過期年則不哭情重則哭其墓 次衣吊服再拜而送之 五日凡聞所知之喪或遠不能往則遣使致真就外 退難之事 右禮俗相交之事直月主之有期日者為之 正而語之且書於籍 日當糾集者督其違慢凡不如約者以告於約 惟至親篤友為然 期

へいうこうと 四曰死喪 丘曰狐弱 二曰疾病 口盜賊 甚養疾之費 家質則為之助出募賞 關人則助其幹辦之財則膊贈借貨 近者同力追捕有力者為告之官司具 孤遺無依者若能自贈則為區處稽其 小則遣人問之甚則為訪醫藥貧則助 小則使人敗之甚則親往多率, 秦泉下禮 古四 **公**救且

六日誣枉 七日貧乏 有安貧守分而生計大不足者眾以財 者協力濟之無今失所若有侵敗之者眾人力為 出納或聞於官司或擇人教之及為之求婚姻貧 或其家因而失所者眾共以財濟之 聞於官府則為言之有方器可以救解則為解之 陷れ不義 之辦理若稍長而放逸不檢亦防緊約束之母令 有為人經枉過惡不能自中者勢可以

ここり 日 シナラ 一颗 濟之或為之假貨置産以歲月價之 長急則同約之近者為之告約正命直月福告 車馬人僕皆有無相假若不急之用及有所妨 借物者論如犯約之過書於籍鄉里或有緩急 者則不必借可借而不借及踰期不選及損壞 之且為之糾集而程督之凡同約者財物器用 右患難相恤之事凡有當救恤者其家告於約 非同約而先聞知者亦當殺助或不能救 泰泉鄉禮 左

金タビとノニモ STATE OF THE PARTY 紫立戒諭即於其上若春秋二仲月改月祭社 預約者月朔皆會 以便行禮或社未建設先聖神位於鄉校正堂 藍田吕氏鄉約今取瓊山邱氏儀節以通於 日直月報會者將會則先一 而又為約儀如左方 **其善於藉以告郷人以上四條本出朱子損益** 則為之告於同約而謀之有能如此者則亦書 朔日有故則前期三日別定 日酒掃里社設香 H

てこり言 とう 一零 直月率錢具食 校同約者如其服而至 會日風與約正約副直月先率宗族皆衣冠俟於鄉 便行禮 亦可 飯食一會餘月則去酒果或直設飯或米粉麵食 少則隨宜增之母過五十文孟月朔具果酒三行 直月同約之家子弟及在鄉校重生雖未能人 入約人衆每一人不過一十文 秦泉下遭 有故則先一日使人告於 支

里社鳴鼓三通約眾既集以齒為序立於門外東向 北上約正以下西向南上教讀不與約正與齒最尊 者正相向揖迎入門至庭中北面皆再拜 者長者列於右以次而西少者幼者從尊者長者 飲食之會或別率錢畧設點心別處 約正與約副直月三人列於左以次而東約東蘇 亦許隨眾序拜未能序拜亦許侍立觀禮但不與 之後社祝立於香案之東賛鞠躬拜與拜與平

ていつう ハイラ 一個 乃誓於神社祝抗聲以誓約正以下皆跪聽應命畢 約正升堂上香降與在位者皆再拜 背再拜乃出 身 生理毋作非為遵行四禮條件毋背鄉約齊心合 諭孝順父母尊敬長上和睦鄉里教訓子孫各安 誓於里社之神自今以後凡我同約之人祗奉戒 **繁前約正升自作階上香降發鞠躬拜與拜與平** 社祝楊言曰約正某等敢率同約者 泰泉下禮 社祝賛韵香 ナヤ

金グレアトノアート 揖三雜升堂同約者皆從之 **指鄉校俟於外次約正以下皆東向立教讀出迎西** 向立與約正三揖約正以下三讓乃入教讀約正三 以下及同約者升自西階若無里社則教讀迎入誓 **た光聖如前儀** 德同歸於善若有二三其心陽善陰惡者神明誅 **强聚各口若有二三其心陽善陰惡者神明誅強** 社祝替俯伏與拜與拜與平身 T 教讀升自作階約正

人已日日 白雪 拜教讀立於位約正少進西向立約副直月社祝次 其右少退直月引尊者東向南上長者西向南上 皆北面立約正揖教讀東上南面立教讀就位皆 約正再拜凡在位者皆再拜 皆以約正之年推之後做此西向者其位在約正 之右少進餘人如故若鄉校正堂設神位則以北 **替禮後假此** 面為尊序次如前儀 泰泉鄉禮 此拜尊者社祝不公 大

尊者受禮如儀 惟以約正之年為受禮之節若約 稍長者答拜退立於四序東向北上 直月又引稍長者東向南上約正與在位者皆再拜 退北壁下南面東上立直月引長者東面如初禮退 則立於尊者之西東上 此拜長者拜時惟尊者不 正是尊者則長者以下皆如少者儀可以類推 拜時尊者長者不拜 此拜稍長者

していることでする一個人 者退立於稍長者之南直月以次引少者東北向西 頃之約正揖就坐 北上拜約正約正受禮如儀拜者復位又引幼者亦 直月又引稍少者東面北上拜約正約正答之稍少 如之既非揖谷就次 東南向約中年最尊者坐堂西南向約副直月次 向再拜 初以上禮若冬日唇短或從簡便惟東西序齒相 泰彩鄉禮 教讀正坐稍東南向約正坐堂 同列來請禮者拜於西序如 九

金ケレル 問於是約中有善者果推之有過者直月斜之約正 直月抗聲讀約一過教讀推說其意未達者許其質 詢其實狀於聚無異難乃命直月書之 能行四禮 約正之東南的西上社祝次之餘人以齒為序東 者東北向西上 南向東上若鄉校正堂設神位則以南為上異爵 西相向以北為上若有異萬者則坐於尊者之西 者亦附於善籍違者附於過籍 1:15 ソノミンリョ といます 勞過獎敢不加勉約正即同約者北面序立再拜善 直月遂讀記善籍日某能為某善能改某過能行 善者與直月亦與择善者善者對曰果質無所有乃 禮使人人若此風俗馬有不厚凡我同約當取以為 者退居末位答拜 辭 三讓乃飲 或能使其族人為某善改果過行四禮則易其 奉泉鄉禮 或酌酒則先善者善者向尊長 主

金グセトノニ 復位命執事者以記過籍獨呈在坐各點觀一過三 犯不改待他日誓於里社鳴鼓罰之母得輛揚其過 詩或習禮射皆以鍾鼓為節 既畢乃食食畢少休復會於堂上鳴講鼓說書若歌 過者不服聽其出籍有大惡則言於有可懲之 禮及習鄉射禮皆鍾以宣之鼓以節之以聲衆觀 切要故事皆鳴鼓三聲若童生歌詩習冠皆祭三 教讀記書一章或講

いいうう たれり 講論從容書丹而退 凡約正約副正本如士大夫立教明倫敬身以為鄉 犯違者直月糾而書之 若能化行一鄉有司延至 人取法出入道路見者拱立避路致敬毋得狎侮凌 書丹書丹罪教讀送至大門之外稱讓而退 後堂行以殊禮為特設位即各鄉約正約副拜之 之事既異於入約籍中姓名各押字於其下謂之 失儀言非所宜言及楊人過惡違者直月斜而書 泰果小曹 講論須有益之事母得喧競 主

泰泉鄉禮卷二	REPUBLICA ETTERNATURE		仍用花紅羊酒旌獎遇例先給與冠带
			英遇例先給與冠帯

欽定 四庫全書 歲至十有四者皆入學約正約副書為一籍父兄終容 5 /c./? 凡在城四隅大館統各社學以施鄉校之教子弟年 不肯送學者有罰有司每考送儒學肆業非由社學者 泰泉鄉禮卷三 於問卷民居聚處不必拘定道里須擇寬大地基建 鄉校 凡在城坊府在鄉屯堡每一社立一社學俱設 たいたる 日 奉泉鄉禮 黄佐

館堂後為寢環之以垣已經拆毀淫祠寺觀改建者 罪先年十一月約正約副沿門選擇俊秀子弟其有 殘疾及很劣者勿強多則百餘名少則三四十名俱 約正大量界至畫圖送官若有名無實有司查出治 之其制前為大門大門之左為東塾右為西塾中為 於過籍皆直月掌之一應事宜照教民榜行有司官 優謀卒之家不與若維容驕惰不肯送學者罰之書 序具年齒住居父兄籍貫以某為户書為一籍惟妈

駅共推擇學行原備而端重有威者送有司考選以為 獨書 聘之届期乃躬迎之 教讀約正率錢具禮於正月望後擇日開學預期遣人 ここう・ ニュー 園 徳果先生道丈執事側聞先生學行經懿里開欽仰 學者人各不過五十文多則約一足侑以羊酒少則 吏里甲人等母得干與攪擾 布一疋侑以爲酒書式曰鄉侍生某姓名頓首啟碩 之日久矣古者士大夫居鄉則推尊以為父師子弟 泰泉鄉禮 約正率錢凡有子弟願

從之避而孝弟忠信之俗與馬茲某擇某月日敢以 請教讀固解復再拜以請俟器乃復命除在城大館 聰明養之以正他日成人克遵名教是大有造於某 鄉校教事見屈益欲一 外俱用儒士不許罷開吏役及非儒流出身之官或 月日某再拜放擇子弟能供事者獨赴其家再拜敬 也倘不遐棄則果際幸之至敬因執事者以聞果年 夏生員及因行止有虧點退者具四方流寫於此 鄉重家觀感弗納於邪放其

金易でたる言語

冬三

文已日言十二十三 者蹤跡無常恐或梗化尤當精擇届期約正會各父 ** 即谷父兄主其事** 室若有司備禮延聘在城大館亦令附近鄉約約正 諸生行四拜禮以次獻茶具飯畢辭而退就館入便 教讀西向行再拜禮師席南向主人各前布席席定 讓主人升自東階教讀升自西階至堂讓主人東向 諸生候而前至門讓主人入而右教讀入而左至階 兄躬韵其家再拜迎之退乃谷盛服候於社學門外 秦泉鄉禮

質明生徒至依序立於两階下約正約副入與教讀誓 金ダモルイニ 戒社祝致解出乃就坐開館 館堂設先聖位約正約 直月於前一日列諸生長少之序掛於門內東西两壁 者不在此位教讀拱手應口諾社祝復抗聲致解口 凡預此會者以立教明倫敬身為本其聞善不相告 兄弟不睦於宗族不該於朋友言行相反文過遂非 預此會者以孝弟忠信為本其不順於父母不友於 副入與教讀上香行四拜禮畢社祝抗聲致辭曰凡

12/2.) DIEL KINED 出入不許關從與馬侍於先生雖富貴冬母爐夏母 更處以存大體若先生起居及客至俱一體執事 絹布青圓領或直領不許用於絲紗羅及違制服色 教相與揖遜而出俟先生就坐諸生以次執事替禮 聞惡不相警禮俗不相交思難不相恤陽善陰惡二 扇坐母用脚凳坐必依齒序若有貴賤相遠者亦常 乃升堂侍教其未冠者從俗總角已冠者平頭中服 三其德者不在此位約正約副皆拱手應曰諾證受 泰泉鄉禮

學三曰晚學約聚日輪寫實老成者二人平旦坐左右 施教以六行六事六藝而日敬數之一日早學二日午 平旦施早學之教誦書正句讀 凡館堂設雲板平旦 聖以序出入食後復至日夕亦如之 親仁六事一曰酒二曰掃三曰應四曰對五曰進六 曰退六藝一日禮二日樂三日射四日御五日書六 六行一日孝二日第三日謹四日信五日愛聚六日 口數俱詳見小學古訓

ここの見 とます 一関 教讀出就位擊雲板三聲生入立两門下點洒掃先 生以序兩班升堂正立唱揖分班圍揖就位静聲端 禮者二人先升堂正揖分班立先生之前唱序立諸 位觀其執事恭謹者録之怠忽者教而責之次輪賛 出就先生位前正立量其少長以小學古訓直白教 務使從容嚴靜良久命擊雲板命十人一班依齒序 立良久以觀德容命執事者擊雲板命坐以次序坐 以序入具餘軒舍以役人代之酒掃畢復降階立原 泰泉鄉禮

金グレー 省之類亦教之曰汝果能如此以禮待汝不能如此 為君子不學成好人便為小人如日舒建便教之日 之使力行於身如曰君子便教之曰能學成好人 痛責不恕他如職分所能知能行者皆做此令其口 性能記千字以上者以讀六七百字不得盡其聪明 誦以上口為節乃命復位誦讀務貴熟不貴多如資 年小者只教一二句而止勿強其多記或用孝經三 たって 動不須急遽輕他務要從容和緩其温清定

食後施午學之教歌詩或書數 凡復午學升堂如平 八九日日 人山东西 退出館後察其有疾行先長及傲慢鄉里者責而教 旦儀就位立聽雲板命坐不必作對句用顏魯公字 句讀少差必一一正之退食擊雲板各以班出揖而 家文移等書以次讀大學中庸論語孟子然後治經 字經不許先用干字文百家姓幼學詩神童酒詩吏 體點畫照洪武正韻楷書詩經處鳴青我關睢四壮 奉求鄉禮

篇有關係可歌者各一篇或古體律詩絕句情性正 伐木索棣勢我来繁来弱南山有墨緇衣其與抑諸 字次先其易者或書早學口誦者示之各寫做書顏 音律和者各二篇母得用金榜富貴等語亦十人 有傾敬粗弱者責而教之先生品評既畢領回就位 字一章令端坐直筆正書務寬緩整肅而有壯氣其 班教以六書法如象形諧聲之類若年小則教以認 将所書風雅及古體律詩絕句或正音或越吟各讀

欠了一切与广小子 數授之 者以四方上下自一至十或自甲至癸或自子至亥等 次學真數亦免寫字年稍長者教以九章真法年小 雅和平者賞之如躁俗悲淫者責而教之或五日 寫字令善歌者為倡與衆同歌既成聲每班十人歌 成誦退食擊雲板如早學儀自後五日一次歌詩免 於先生之前用鐘鼓其餘篇至琴瑟之類以漸教而 和之未升歌者俱端坐静聽歌畢者復位其聲容温 泰泉鄉禮

日夕施晚學之教温書習禮儀 凡復晚學如儀就位 後五日一次教以朱子小學及日記故事內古人嘉 禮如定省之類習禮畢各就位温習早學所讀書自 言善行一段如黄香扇枕陸續懷橋之類直白說之 者責而教之如有善拜揖者免習仍教以子事父母 立東先出位北面立長東少四揖再拜果復位四揖 良人擊雲板命習禮每班十人出先生位前東西向 拜如儀退先生坐觀其容體恭敬舒建者賞之都倍

ステロラノンチョ 諸生若有過失師友隨事規正母便終陷於惡 過失小者為師者宜端坐相對終日不與之語以真 禮祭禮射禮鄉飲酒禮士相見禮投壺禮皆用果色 察如有徒能講誦不能力行者責而教之若冠禮昏 教之事事親事長處事接物先生與各父兄常常訪 繪於壁為圖指示之 儀揖退諸生夜歸仍在燈下講誦當日所教即以所 令其静黙諦聽抵慕擊雲板直日者徹先生書席如 泰泉鄉禮 諸生

生行禮畢乃放假教以静坐月終類查逃學者姓名具 每月朔望先一日晚段先聖牌位香業質明教讀師諸 帖聞於直月 其改乃止若居家得罪父兄骨肉或出外得罪鄉黨 朋友或自己所為有失即當直告於先生朋友求知 拜而退是日放假教之靜坐以求放心若遇鄉約食 已過不宜以不善之禍自害其身 日拜畢仍留供事用次日放假或於放假日演習諸 朔望拜先聖畢徹神位拜先生分班相

というういきする 在城丁多有暇者以是為常鄉村務農丁少照例每年 禮或聽審音樂或做釋真之樂以舞り或做干减之 書二百遍二次加朴禮罰紙十張三次禮罰如前仍 彼必樂於聽從而無嬉戲逃避之事若四時之祭及 制以舞家務養其耳目血脈使温醇恭敬不至拘迫 罰其父兄其有好酒博实逸遊廳縱者不即教而情 **髙曾祖考忌日預期給假若無故而逃學一次罰誦** 逆非毁及干犯奏倫者重治之不改則送有司問罪 泰泉鄉禮

金りてし 十月初開學臘月終罷各父兄務隆待師之禮 為師者崇四術以教諸生鄉約會日則舉行馬 官給銀二十两有司以禮待送在鄉則約正等奉各 輕至社學求師請對其束偷務從俗加厚在城大館 罷館父兄即子拜送各中待師之敬四時無事不許 罰 父兄出穀及菜錢若待之不以禮及有始無終者必 曰書 凡社學置籤筒鄉約會日講書一章項有 旅晚

ころりま 日本日 日詩 示之 問教讀逐一講解喪禮難習有喪來問者宜考完 約揭於壁鄉約會日行冠昏等禮畢許各父兄質 布等冠香案祝版酒注盃盤之類并楷書四禮條 故事亦如之若律令大語教民榜則許諸人請益 音約眾端坐拱聽母得話問機笑若講小學日記 關風化者先生講 拍籤諸生以次出講俱用正 凡社學置文公家禮禮器祭器如三加綱 泰泉鄉禮

金グレルノニー 路生有善者直月書於善籍父兄名下待祭社會鄉 四口樂 舉業願來學樂歌詩者許與諸生同事 之全以習射儀或習彈琴或習吹笙或審音於言 約會日或擊魯薛鼓之半以習投壺或擊魯薛鼓 官如牛鳴賣中凡聽商如離摩羊之類或調聲詩 如宫舌居中商口開張之類或審音於聽如凡聽 以比琴瑟或講完律日大拍皆可如有年長不習 凡社學置樂器備八音器如釋真之數鄉

父子可早全世日 题 雜泛差徭生員則優以原膳既入儒學而以學荒行虧 老約界共以三物推舉之一曰性行二曰經義三曰才 見點者罪其師 能有司取入儒學則具以名聞中選多者免為師之人 唐虞三代之治因可復也在城大館器用有司 禮部學政參用崑山魏氏泰和歐陽氏社學係 約而潤色之倘肯遵行必能正風俗得賢才而 右件出明道程子文集東東召氏學規及見行 泰泉鄉禮

寫各分投勘論深山躬谷必至務多方以化導之諭俗 毎里一 書諭俗六條勸民二事及四禮條件皆正句讀使之傳 教讀任一 老使專一 人為之又選其次者一二十人為眾鄉老開館之日楷 人類送在城四隅大館轉聞有司點作該圖鄉 宜各措辨若問巷荒僻不能盡如制者亦宜竊 取其意務行於鄉使風化有所裨益 在鄉聽訟管倉別無可推則約正約副內 鄉風化與約正等公選於眾推年高有德者

六條一 農二曰勘孝 訟以免刑罪六曰化愚頑以息盗賊勸民二事一曰勸 曰闢其端以崇正道四曰敦朴儉以保家業五曰息爭 大正司三人上5 諭俗文 某府州縣某處社學為諭俗事遵奉欽差巡撫 竊以人才之賢否係於風俗風俗之美惡在於 巡接分守分巡提學道各上司明文除遵依外 一曰教子弟以興禮義二曰禁火化以厚人 泰泉鄉禮

金 欠口匠 晓諭丁寧何以轉移變化上司深愛爾民做 教 性好善惡惡皆出自然奈何問閥有便安之門 惡之後不若化於未惡之先況民東奏本乎天 夷文獻固有源流淫邪尚當洗滌與其治於為 漸摩近見得本省係古南越地稱鄒魯民雜華 好人幹好事孝順父母尊敬長上和 化無切實之功相染為風遂成弊俗告 訓子孫守本分業為太平民不犯刑 とうし 鄉 不

欠い可引いてす 有碍動例教法者悉行禁約區處合先晚諭汝 學訓教童家以為育才之本其民間一切故學 亂俗有傷風教今上司欽奉勅諭與復民問社 好訟强凌弱聚暴寡淫侈耗財放縱敗家傷倫 等快活不致禍敢何等安康今乃愚信那好 諭目禁約開示於後 教弟子以與禮義 四民母得有違違者送官問罪定不敢恕所有 泰泉鄉禮

民生有欲非教不善方今聖明在上禮樂 教化然學有大小始終、今社學之設所以 正其始於先於是教以大人之學斯可成其 終於後凡為父兄者如有子弟年六七歲至 大興茲欲一道德同風俗必當後刑罰去 專於念書對句務要教其愛親敬長隆師親 十四歲未冠者俱要送入社學社學之教不

騎縱如此教之斯可變化氣質為大學之基 惡人同歸者也至於入大學之時氣習已深 弟自家資質做去多有幸意妄行習與性成 習趨事之勞耳不聞正樂目不見正禮隨子 事親何如交友何如手不執酒婦之事身不 子弟聰明但不知子弟情性何如氣質何如 本今人空教子弟念書對對念得對得固是 不復自知其非所以陷於一偏而不能有成

又不可以了一个

泰泉鄉禮

古四

金ケモたと言 學之師訪問得質書於揚養簿內以待上司 立學之後汝四民如有能從教化朴實尚義 者眾矣其間有能成者亦資質之美而已故 聖人有日十室之邑必有忠信如丘者馬不 好詩好禮善處奏偷能和鄉里寫教子孫足 如丘之好學也立學之後不論文武貧富之 一鄉敬信者許里中老而有德者告於社 一體遵依社學教係母得違悖

大きりる ときす 禁火化以厚人倫 父兄如有故違不送子弟入社學者上司定 查考以禮褒勸 求醫庭寝忘食惟恐子身不安子或湯爛 行提問坐罪 玉痛我如肺肝子一有病祈天祷地問 民第一件好事父母當初生我愛我如金 孝順父母是我太祖高皇帝親口教詔汝 泰泉鄉禮

烙之刑父母何罪不思愛痛深思顧乃以學 不知西天是夷鬼之地父母何居火化乃即 得罪可殺可剛父母死日即火燒路棄可痛 邪說感亂民心以西天為極樂火化為歸 可傷此固久安之陋習亦由有等師巫謬 母何患不能孝順乎今於父母生時觸怒 子者以父母爱我痛我之心去爱痛多 傷即撫胸涕淚愛子之心人人如此為 ァイスンコララ A145 18/ 随力奏理葬者藏也欲人不得見也貧者穴 有思親之時祭之不享哀之無益禽獸同歸 報德既煎熬其骨內必飄散其神魂日後雖 土藏棺存禮而已不許輕信風水禍福之說 今以後切須聽我教誨生時盡心孝順死後 天人共怒家道山亡子孫哀替皆本於此自 及與發某房之說停藏父母至數十年不葵 以致屍棺暴露鴉冷狗食傷害天和變生瘟 泰泉鄉禮 ナ

金りむし 閥異端以崇正道 未葵者限 當報於社學師書於簿內待上司查賞褒勘 民間有義舉的喪及周恤患難孤幼者里人 疫情哉痛哉晚諭明白聽者省之 禁止師巫邪術律有明條今有等過民自稱 送本縣問罪如過限不呈上司訪出一 罪 一月葵畢達者里甲隣人族長早 一體治

灰三四草二十一 感四民交通婦女或焼香而施茶或降神 愚昧小民不知死生有命富貴在天且如 毒採生與鬼道以亂皇風奪民心以好正 巷暗損民財明違國法甚至妖言怪祈繼 而跳鬼脩齊則動貴銀錢沒熊必喧騰問 開壇場假畫地獄私造科書偽傳佛曲摇 教與固成於舊習法實在所難容爾等 師長火居道士及師公師婆聖子之類大 泰泉鄉禮

禁約之後師長火居道士師公師婆聖子尼 盡死富者長生此理甚明人所易曉今我皇 富貴福專若說求神可以祈福免禍則貧者 1: 師巫之家亦有災禍病死既是敬奉鬼神 仍與習取罪招刑 汝四民合行遵守庶人祭先祖之禮母得因 以不能救護士夫之家不祀外鬼邪神多有 一新政化大啟文風淫祠既毀邪祈當除

M. JOINI KIBMO W 敦朴儉以保家業 民家只許奉祀祖宗神主如有私自奉祀外 首各歸原籍別求生理買賣故建者上司定 姑及無牒僧道各項那術人等各赴府縣自 奢者以千金而不足儉者以一金而有餘何 神隱藏邪術者上司訪出問罪決不輕恕 行拿問如律 夫四民之家有子 泰泉鄉禮 金之産者有一金之産者 t

金ダレルノン 鬬勝則借假為真只取 勤儉循理避禍不至喪敗所以一金之家 有無此恩偽之俗禍敢之機也何不反奢徒 張儀物嫁女則多耀益粧設酒則將無作有 能長久而不困窮今之四民每每聘禮則虚 於窮因儉者隨分守已節用省事減嗜慾務 驕淫奸盜山此而至所以雖有千金亦必至 也看者勉强隨人妄用無節口好肥身好 時好看不思日後

てこうう かき 民間酒店賣酒假以賣酒為名實乃淫人 能咬得菜根則百事可做此言極有理願爾 須行四禮條件各宜遵行達者許人告首送 民思之念之無胎借侈之罪 服色居室婚喪祭葵有違國朝禮制者送官 利大傷風化違者上司定行訪拿治罪 儉以圖長久受用不致眼下窮忙古人云人 上司治罪 泰泉鄉禮 九 へ取り

金りせたんき 息争訟以免刑罪 者上司定行拿問 琴瑟笙蘭古樂器者聽 為父光者有宴會如元宵俗節皆不許用淫 治罪 不許造唱淫曲搬演歷代帝王弘誇古今達 萌之欲致平正教違者拿送上司治罪其習 樂琵琶三弦喉管备笛等音以導引子弟未

ハミリョ ハナラ 日 **弊罵里教唆賭博奸淫盜惡謀為不善打點** 婦不相親睦及争財異業以至飲酒博奕打 多致官司今特與爾民約凡有父子兄弟夫 失良心故也陰險詭詐是殺身之樂貪利害 底傷身賭博淫行者終身破敗剛忽不忍者 証騙等項以每月朔望两日相會里人於里 近來風俗多好詞訟其故何也民不被教喪 人是斬身之刀强梁者不得好死教唆者到 泰泉鄉禮

金ダセルグラモ 里中如有能改過自新變惡為善以循禮教 呈治者事發之日拿送上司治罪 者眾人明言責我如有不從擇老者數人 社中有過失者許自陳說或族長隣人陳說 者許里中老而有德者告於社學之師訪問 赴各該衙門呈治如有互相容隱不行動責 至其家青勸如再不從許地方隣人同族长 如小事有不平者眾人動戒處置事關大惡 同

人ですることはから 化愚頑以息盜賊 賦役繁尚而不恤飢寒迫身不顧庶恥但求 的實書於改過簿內以待上司查賣 無術禮義不聞良心丧失田畴早除而不知 近來各處地方往往為盜到掠良民方今上 司留心教化爾民切宜體悉且為盜一事未 **必盡是爾民之罪亦由平日養之無道教之** 時之活不顧後日之誅於是惡染鄉問財 奈泉鄉禮

舉今爾民於無事之時善心有時發見即當 自家思量我如此做賊固不勞耕作不煩稅 必死遂成大盗流毒四方其間弊病難以悉 未免家散人亡縱使逃去别方亦是一生百 尚有然家得存不至絕減者子况且如今聖 役可以足食足衣且恐觀昔時為盜之家今 動親戚强者得利富者坐分善者無依弱者 明在上天下太平何不乗時歸化萬一不然

CLAND LOL ZIALD 妻子奔亡祖宗産業丟棄到此時節計拙心 謂實有勇力死亦不怕此便是至愚至蠢者 做箇好人取兴安樂福毒豈不好過殺人為 者子今吾深惜爾民樂於禍敗而不思求活 回要做好人亦做不得豈不恨我老爾民自 所以誠心直說明白睫諭使爾民從此向化 也干日殺人一朝必敗豈有做賊而能長久 死肉膏草野骨餧狗猪終為無祀之鬼父母 泰泉鄉禮 Ī

金タモんと言言 勸農文 巡撫巡按分守分巡提學道各上司明文除遵依 某府州縣某處社學為勸農事遵奉欽差 监東逃西避然遭刑戮者平 許爾自來聽教上司即與爾立社定鄉約使 上可欽奉記書有能遵體各歸原籍耕種者 上司定行重賞 爾各安生理晓諭之後如有能先來聽教者

MANDIOL KIND 室所謂餘子者父在則子餘兄在則弟餘故天下 倫理之外士不出武弘之間漢書曰餘子遣入序 州黨族問里而尊之以孝友睦媚任恤故行不出 不足以養養不贈則不足以教故先王之教其民 生員皆名弟子其職在入孝出弟而所以教之者 也因天地之性順人物之生分土受田統之以鄉 外竊以民生之本在食足食之本在農農不力則 在稼穑出作入息之期後世分教養為二故 **秦泉鄉禮**

金タセルノニモ 曾不如途之人矣見奉禮部學政勘合凡入學生 為實父老以耕讀為事者量加賞勞以廣子弟孝 達官貴人雖惡人公疎然起敬見所手脈足雖至 講堂水恥民事有父兄荷養笠而子弟衣輕家見 友務本之心至於與脩水利以便農民招來流民 員以求子弟曾知稼穑有孝弟實行者取之仍查 親而根然愧之者是雖冠服如士人其孝友之質 以碎土地責令有司著實舉行達者治罪為此就

恐鄉民不知勤務農業理合先行動諭今録本 公勸農係目開具於後 壤拌和種子種出秧苗具造 大凡秋間收成之後須起冬月以前便将之 耕田之後春問須是揀選肥好田段多用番 後更多著遍數節次犁把然後布種自然田 泥深熟土內肥厚種木易長盛水難乾 下所有田段一例犁翻凍冷酥脆至正月以

プランファー ないかか

奉泉鄉禮

拉

金タビルと言 無事之時預先刻取土面草根曬爆焼死 却時節 用大粪拌和入種子在內然後撒種 未苗既長稈草亦生須是放乾田水子 細辨 秧苗既長便須及時越早我插莫今建緩過 認逐一拔出踏在泥裏以培禾根其歷畔 耗土力侵害田苗將來穀實必然繁盛堅 生茅草之屬亦須節次芝削取今净盡免得 参三

くれりう たれり 陂塘之利農事之本尤當協力與修越未耕 接續飲食不至飢餓 力耕種務盡地力庶幾青黃未交之際有以 山原陸地可種粟麥麻豆去處亦須趣時 瀚去處私下難以紅集即仰告縣官為修 種之時各將自己田弘開濟股塘修築好岸 母至後時追悔莫及如有怠惰不起時工作 之人仰眾列狀申縣乞行懲戒如有工力浩 泰泉鄉禮 蒀

金グロアんどこを 桑麻之利衣服所資切須多種桑柘麻苧 本鄉貧民往往逃在他鄉者各家挨查招回 如官不即措置即告於鄉約約正及鄉老別 為區處 氣脈全盛自然生樂厚大餧藝有功 冬即将旁生拳曲小枝盡行斬削務令大枝 女動力養驗織紡造成布帛其桑木每遇秋

とこうう Listin | 喫酒穿衣甚好農事若不係祭祖祭社山吉 大凡農桑之務不過前項數係然鄉土風俗 聚會及造作屋舍之時俱不許喫酒其穿衣 亦自有不同去處尚恐體訪有所未盡更宜 自安不昏作勞不服田弘越其 罔有秦稷此 廣詢博訪謹守力行只可過於勤勞不可失 俱不許長袍大衫 之怠惰傳曰民生在勤動則不匱經曰惰農 泰泉鄉禮 Ī

勸孝文 無巡按分守分巡提學道各上司明文除遵依 某府州縣某處社學為動孝事遵奉欽差巡 教海子弟子弟遵承教誨務熟本業耕耘收斂 右件榜文勸諭民間各請體悉前件事理父兄 庶幾衣食給足禮義與行感召和平共路仁盡 以養父母勿得情遊賭博喫酒穿衣好處農桑 **皆聖賢垂訓明白凡聚庶民切宜遵守**

者恐貽羞門户質賤者亦望其回心反哺故皆含 心本於慈爱子孫忤逆者不欲聞之官何也富貴 悉理合先行勸諭每朔望誓於里社有不考者明 受天刑嗚呼王法可幸免天誅不可逃為人子者 以世之不孝者或斃於雷或死於疫後世哀弱都 容隱受然父母吞聲飲恨之際不覺怨氣有感是 外竊以五刑之屬三千而罪莫大於不孝父母之 可不孝乎為此誠恐村峒俚民及猛撞等未能知

一次三日三年八十三 題

泰泉鄉禮

Ī

金灰匠人 神 孝 斡 屋舍早起便幹家事晚睡莫出村鄉 來便耘田秋熟及時收割禾稻冬閉及時修 皇帝教訓庶民孝順父母亦不過此意也凡各村 峒 **此庶人之孝也此孝經乃聖人所作我太祖** 俚人猛撞俱係庶民你每到春來便耕田夏 爾生計此便是用天之道萬田種早低田 經曰用天之道因地之利謹身節用以養父母 誅殛今録勸孝文一道開具於後 都看天 時 髙 種

欠巴口言心的 華莫喜飲酒飲多失事其喜賭博好賭敗家此 常在家中莫出外去此便是謹身財物難得常 晚 要爱情食足充口不須貪味衣足蔽體不須奢 殺害可惜父母負了深恩得忍且忍莫要打 作磚五鋤得深潤砌作魚塘此便是因地之 又念我身父母所生十月懷胎三年乳哺被 隨地所宜我種果菜硬泥築作垣牆軟泥 亦打爾得休且休莫要殺人殺人人亦殺爾 泰泉鄉禮 夫 利

金りロアル 揖 送 節 便是節用每日早起帶子弟向父母前作 万事小心勘諫你能謹身便不憂惱著父母能 與妻子旁邊看照飲食父母夜睡先去床前看 看每出門與父母說知作 上新茶一種早飯午飯晚飯都 有飯都去供養如在生前一般如父母要作 用便不飢寒著父母能此二者即是孝順 如無父母早起即去陰靈神座前作一 10 mile 一揖歸來亦作 請父母上坐 楫 一揖 有

喜再續母此濕床席兒眼乾裀褥兒睡正安穩母 殺戮父為母悲辛妻對大啼哭一日見兒面性命 木百骸未成人十月居母腹兒身將欲生母身如 世有不孝子浮生空碌碌不念父母恩何殊生枯 汗回計幾解病痛百千般求神與占卜出入必追 不敢伸縮全身在臭穢不暇思沐浴乳哨經三年 犯王法便遭天刑我念古人詩與你聽古人詩云 日以養父母此庶人之孝也如不肯孝順父母不

欠と口ラインショ

泰泉鄉禮

疌

金タエルハー 隨飲食從所欲一旦得好妻魚水情和睦父母責 間如此人不異禽與畜慈為能反哨羊無猶跪足 歸泉下兄弟分財穀不念父母骸焚焼葬山谷世 言含嗔然雙目妻或罵百句陪笑不為辱父母 地雖廣大不容忤逆族早早悔前非莫待天 已上四件各用紙接續寫去四禮條件一張 一張以諭四民勸農文一張專諭耕户

讀過惡者有司各提問治罪 教讀為一方師表宜衣 善者衆共加禮惡小則鄉約會日面戒屬之情重則公 同里排及本鄉在學生員共糾舉而斥之徇私安言教 每月約聚輪坐東西墊者稽考教讀善惡以聞於直月 Pコラランナラ | 春泉柳俊 陰受財賄唆寫詞訟或恃官長禮貌挟此凌人或因 冠不離於身言笑俱不可尚亦不可好顏婢膝趨承 應官司下同隸卒若有等自談聖賢行如狗最或 民動孝文一張一論俚峒蠻民性音祭 條件見第一 卷裡音祭 四禮

金クト人ノンで 情重送官究問另選端謹之人代替若互相容隱及 師生名分動輕需索稍不如意立致訟端或因鄉黨 **誣捏不以實事發俱各重完若教讀過惡小而可恕** 副本圖老人以眾斥去之若來自與鄉者一體驅造 不惟不能化人而反賊夫人之子如有此等約正約 生徒不從勉強邀致不顧朋友情分鄉黨非笑凡此 者量罰其束脩銀穀入社倉備販 私忽編排都俚詩謠黑夜匿名魔貼站人德行或因

人已日日 人子司 輕以故違鄉約赴官司告擾其有能化導一鄉成俗者 教讀常用動諭鄉民母妄與詞訟惟聽命鄉老亦母得 不盡合鄉俗者許教讀言於有司潤澤之務在 學政崑山魏氏社學榜文莆田鄭氏社規其有 可行勿為虚文已也 以公舉其善呈聞有司待以殊禮非生員及 出米子大全西山真氏文集及見行禮部 給與冠帶 泰泉鄉禮

春	.		
泰泉鄉禮卷三			
泰泉鄉禮卷三			
) E
	•		